



Na osnovu člana 15. stav 1. tačka 2. Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09), člana 20 Smjernica Federalnog ministarstva finansija o minimalnim standardima dodjele budžetskih sredstava putem transfera i subvencija u FBiH („Službene novine FBiH“ broj: 37/24), člana 39. Statuta Općine Travnik („Službene novine Općine Travnik“, broj 11/05 i 51/09), Programa utroška sredstava iz Budžeta Općine Travnik sa budžetske stavke „Tekući transfer udruženjima građana - Transfer za izgradnju i održavanje spomen obilježja, mezarja i grobalja” i saglasno Odluci o izvršenju Budžeta Općine Travnik za svaku kalendarsku godinu, općinski načelnik **r a s p i s u j e**

JAVNI POZIV

za podnošenje prijava za ostvarivanje prava na dodjelu sredstava iz Budžeta Općine Travnik u 2025 godini “Tekući transfer udruženjima građana - Transfer za izgradnju i održavanje spomen obilježja, mezarja i grobalja ”

I

Predmet Javnog poziva je sufinansiranje izgradnje i održavanja spomen obilježja, mezarja i grobalja iz Budžeta Općine Travnik u 2025 godini “Tekući transfer udruženjima građana - Transfer za izgradnju i održavanje spomen obilježja, mezarja i grobalja” u cilju očuvanja tekovina odbrambeno-oslobodilačkog rata 92-95 godina.

Ukupan iznos budžetskih sredstava za namjene iz prethodnog stava je 28.600,00 KM.

II

Pravo prijave na Javni poziv ima udruženje branilaca registrovana na općinskom nivou.

III

Prijave podnosioca iz tačke II. Javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku dodijeljenih sredstava, neće se uzimati u razmatranje po ovom Javnom pozivu.

IV.

Uz prijavu na Javni poziv obavezno je priložiti sljedeću dokumentaciju (original ili ovjerena kopija):

- potpuno i ispravno popunjen i ovjeren prijavni obrazac
- uvjerenje o poreznoj registraciji
- uvjerenje nadležnog organa uprave o registraciji udruženja
- statut udruženja
- potvrdu banke o otvorenom (aktivnom) transakcijskom računu udruženja, ne starija od 30 dana
- detaljan plan i program rada općinskog udruženja branilaca za 2025 godinu
- odluka udruženja o izgradnji i uređenju spomen obilježja odnosno mezarja/groblja
- finansijski plan projekta za 2025. godinu
- predračun radova, sačinjen od strane odabranog izvođača radova
- posjedovni list parcele na kojoj se nalazi spomen obilježje, groblje/mezarje
- idejni ili izvedbeni projekat za izgradnju spomen obilježja

- minimalno pet različitih fotografija A4 formata, u boji, koje prikazuju izgled lokacije za izgradnju, izgled spomen obilježja za koje je potrebno uložiti sredstva za održavanje odnosno izgled mezarja/groblja koje se uređuje
- saglasnost vjerske ustanove ili pravne osobe koja je posjednik ili ima pravo upravljanja lokacijom predviđenom za izgradnju spomen obilježja odnosno uređenje mezarja/groblja
- ugovor o građenju/održavanju spomen obilježja odnosno uređenju mezarja/groblja
- rješenje o odobrenju gradnje spomen obilježja (građevinska dozvola) ili izjava podnosioca zahtjeva da je pokrenut postupak za izgradnju objekta
- izvještaj o utrošku sredstava dodijeljenih općinskom udruženju branilaca za istu namjenu u prethodnoj godini.

Prijavni obrazac može se preuzeti na internet stranici Općine Travnik ili u Centru za pružanje usluga građanima, šalter sala.

Sredstva po osnovu ovog Javnog poziva dodjeljuju se jednokratno.

V

Raspodjela novčanih sredstava iz tačke I. Javnog poziva vršit će se prema sljedećim kriterijima:

- raspoloživa sredstva u općinskom budžetu za 2025. godinu za navedene namjene
- vrijednost programa prema projektu i prijavi
- iznos sredstava udruženja namijenjena za realizaciju programa
- značaj realizacije projekta za društvenu zajednicu i očuvanje tekovina odbrambeno-oslobodilačkog rata 92-95 godina
- kontinuitet u realizaciji projekata iz odbrambeno-oslobodilačkog rata 92-95 godina
- datum osnivanja udruženja branilaca, podnosioca prijave.

Sredstva za sufinansiranje manifestacije/događaja mogu se odobriti za jedan projekat po podnesenoj jednoj prijavi samo jedanput godišnje.

VI

Javni poziv se objavljuje na internet stranici Općine Travnik i traje 30 dana od dana objave.

Prijava na Javni poziv sa popunjenim, potpisanim i ovjerenim prijavnim obrascem i potrebnom dokumentacijom podnosi se Službi za opću upravu i BIZ Općine Travnik putem pošte preporučeno ili neposredno na općinski protokol (šalter broj:2 u Centru za pružanje usluga građanima) u zatvorenoj koverti na adresu: .Općina Travnik, Konatur bb - Travnik, Služba za opću upravu i BIZ s naznakom: „Javni poziv za podnošenje prijave za sufinansiranje izgradnje i održavanja spomen obilježja, mezarja i grobalja iz perioda odbrambeno-oslobodilačkog rata 92-95 godina u 2025. godini – NE OTVARATI”

Neuredne, nepotpune i neblagovremene prijave na Javni poziv neće se uzimati u razmatranje.

VII

Proceduru odobravanja sredstava po ovom Javnom pozivu provodi Odbor za boračka pitanja Općinskog vijeća Travnik koji će svojom posebnom Odlukom utvrditi iznos odobrenih budžetskih sredstava po svakom pojedinačnom projektu sa podacima o podnosiocima prijave na Javni poziv čije su prijave odobrene i istu objaviti na Oglasnoj ploči i web stranici Općine Travnik.

VIII

Udruženje branilaca kome su dodijeljena finansijska sredstva prema ovom Javnom pozivu dužno je najkasnije do 31.03. iduće godine Općini Travnik dostaviti detaljan izvještaj o namjenskom utrošku dodijeljenih budžetskih sredstava sa priloženim fiskalnim računima, foto dokumentacijom i dr.

IX

Podnosioci koji su zahtjeve za sufinansiranje izgradnje i održavanja spomen obilježja, mezarja i grobalja iz Budžeta Općine Travnik u 2025 godini dostavili u periodu od 01.01.2025.godine, pa do dana raspisivanja ovog Javnog poziva dužni su svoje zahtjeve dopuniti potrebnom dokumentacijom i u roku prema ovom Javnom pozivu.

Broj: 01-04-21-5-1388/25-1
Datum: 04.06.2025.godine



